

Operasi susulan banteras warga asing akan dilaksanakan: Ketua Polis KL

KUALA LUMPUR: Satu operasi susulan menggem-pur pendatang asing tanpa izin (PATI) akan dijalankan oleh Jabatan Keselamatan Dalam Negeri dan Keten-teraman Awam (KDNKA) Bukit Aman, kata Ketua Polis Kuala Lumpur Datuk Allaudeen Abdul Majid.

Beliau berkata, operasi berkenaan sama seperti yang dijalankan di Jalan Silang pada Disember tahun lepas.

“Kita tahu warga asing banyak, sama ada yang mem-punyai dokumen atau tidak. Secara umumnya kebanyakan mereka yang bekerja memilik dokumen.

“Kita tidak nafikan ter-dapat mereka yang tidak mempunyai dokumen iaitu warga asing atau pendatang asing tanpa izin,” katanya ketika program jelajah mesra di Jalan Chow Kit malam

kelmarin.

Allaudeen berkata, pro-gram jelajah mesra di Jalan Chow Kit dan Lorong Haji Taib itu diadakan susulan beberapa laporan yang kurang baik menerusi media berkaitan lokasi ber-kenaan.

“Kita bawa rakan media pada malam ini bagi meli-hat sendiri keadaan di Jalan Chow Kit dan Lorong Haji Taib yang satu ketika dulu dikenali dengan aktiviti pelacuran, pondan dan da-dah.

“Alhamdulillah, hari ini (semalam) kita tengok ka-wasan ini jauh lebih baik berbanding 20 tahun lepas. Kita telah bersihkan dengan bantuan Dewan Bandaraya Kuala Lumpur (DBKL) dan beberapa badan bukan kerajaan (NGO),” katanya.
— Bernama